

**Ո Ր Ո Շ ՈՒ Մ ԹԻՎ 134/6**  
**/Վարչական տույժ նշանակելու մասին/**

«24» փետրվարի 2023թ.

ք. Վանաձոր

Հայաստանի Հանրապետության պետական եկամուտների կոմիտեի Արևելյան մաքսատուն-վարչության պետ Գոռ Բակլաչյանս, քննելով Սամվել Գևորգի Թումասյանի (անձն. AV0502897, ծնված՝ 11.06.1994թ. հասցե՝ ՀՀ Գյումրի, Շինարարների փողոց, տուն 16) կողմից մաքսային կանոնների խախտման վերաբերյալ գործը,

**Պ Ա Ր Զ Ե Ց Ի՝**

**1. Գործի նկարագրությունը:**

2023 թվականի փետրվարի 5-ին ՀՀ ՊԵԿ Բագրատաշենի մաքսային կետ-բաժին է ժամանել ՀՀ քաղաքացի Սամվել Թումասյանը: Վերջինս հանդիսացել է «Նարո տուր» ընկերությանը պատկանող Թուրքիայի Հանրապետությունից ժամանած ավտոբուսի ուղևոր: Մաքսային մարմնի կողմից ներկայացված օրինական պահանջին՝ ուղեկցվող բեռը տեղափոխել հսկման տաղավար /խորը զննման անգար/՝ հյսկողության իրականացման նպատակով, վերջինիս հրաժարվել է այն կատարել և խաչնդոտել է մաքսային մարմնի կողմից իրականացվող մաքսային հսկողության գործողություններին:

**2. Սույն վարչական գործի քննության համար նշանակություն ունեցող փաստեր:**

1. 2023 թվականի փետրվարի 5-ին ՀՀ ՊԵԿ Բագրատաշենի մաքսային կետ-բաժին ժամանած ՀՀ քաղաքացի Սամվել Թումասյանը չի կատարել մաքսային մարմնի կողմից ներկայացված օրինական պահանջը:
2. Վերջինս խաչնդոտել է մաքսային մարմնի կողմից իրականացվող մաքսային հսկողության գործողություններին:
3. 05.02.2023 թվականին կազմվել է մաքսային կանոնների խախտման վերաբերյալ արձանագրություն: Գործի քննություն է նշանակվել 24.02.2023թ. ժամը 12:30-ին, որի վերաբերյալ վերջինս առձեռն ծանուցվել է, սակայն չի ներկայացել վարչական գործի լուսմներին:
4. Սույն մաքսային կանոնների խախտման վերաբերյալ գործը քննվել է «Մաքսային կարգավորման մասին» ՀՀ օրենքի 332-րդ հոդվածի ուժով:

### **3 Պատասխանողի դիրքորոշումը**

Վարչական վարույթի շրջանականերում Սամվել Թումասյանը բացատրություն է տվել և հայտնել, որ մաքսային մարմնի պահանջը չկատարելու ոչ մի միտում չի ունեցել: Չի կատարել մաքսային ծառայողի պահանջը, քանի որ ամբողջ օրվա ընթացքում անձնական խնդիրների պատճառով եղել է անտրամադիր: Հայցել է ներողամտություն:

### **4 Սույն գործի փաստական և իրավական հիմնավորումները, վարչական մարմնի եզրահանգումները:**

«Մաքսային կարգավորման մասին» ՀՀ օրենքի /այսուհետ՝ Օրենք/ 301-րդ հոդվածի 1-ին մասի համաձայն՝ «Մաքսային կանոնների խախտում է համարվում անձի կատարած անօրինական գործողությունը կամ անգործությունը, որն ուղղված է Հայաստանի Հանրապետության մաքսային օրենսդրությամբ և մաքսային ոլորտին առնչվող Հայաստանի Հանրապետության միջազգային պայմանագրերով Հայաստանի Հանրապետության պետական սահմանով տեղափոխվող ապրանքների և տրանսպորտային միջոցների մաքսային հսկողության և մաքսային ձևակերպման սահմանված կարգի դեմ, և որի համար սույն օրենքով նախատեսված է պատասխանատվություն»:

Նույն հոդվածի 2-րդ մասի համաձայն՝ Ֆիզիկական և պաշտոնատար անձինք մաքսային կանոնները դիտավորյալ կամ անզգուշորեն խախտելու համար ենթակա են պատասխանատվության»:

Օրենքի 302-րդ հոդվածի 1-ին մասի համաձայն՝ «Մաքսային հսկողության շրջանակում մաքսային մարմնի պաշտոնատար անձի կատարած գործողությունները խոչընդոտելը՝ առաջացնում է տուգանք՝ հարյուր հազար դրամի չափով»:

Նույն հոդվածի 2-րդ մասի համաձայն՝ «Մաքսային մարմնի պաշտոնատար անձի՝ մաքսային ոլորտին վերաբերող օրինական պահանջը չկատարելը՝ առաջացնում է տուգանք՝ հարյուր հազար դրամի չափով»:

Վարչական իրավախախտումների վերաբերյալ ՀՀ օրենսգրքի 35-րդ հոդվածի համաձայն՝ մեկ անձի կողմից երկու կամ ավելի վարչական իրավախախտումներ

կատարելու դեպքում վարչական տույժը նշանակվում է յուրաքանչյուր իրավախախտման համար առանձին-առանձին:

Օրենքի 332-րդ հոդվածի համաձայն՝ «Մաքսային կանոնների խախտումների վերաբերյալ գործը քննվում է պատասխանատվության ենթարկվող անձի մասնակցությամբ կամ Վարչական իրավախախտումների վերաբերյալ Հայաստանի Հանրապետության օրենսգրքի 267-րդ հոդվածով սահմանված դեպքերում՝ տվյալ անձի բացակայությամբ: Մաքսային կանոնների խախտումների վերաբերյալ գործը կարող է քննվել սույն հոդվածի 1-ին մասում նշված անձի բացակայության դեպքում, եթե անձը բացակայում է, և հայտնի չէ նրա գտնվելու վայրը, կամ եթե նա գտնվում է Հայաստանի Հանրապետության պետական սահմաններից դուրս»:

Վարչական մարմինը քննելով գործում առկա ապացույցները գտնում է, որ Սամվել Թումասյանի արարքում առկա է «Մաքսային կարգավորման մասին» ՀՀ օրենքի 302-րդ հոդվածով նախատեսված մաքսային կանոնների խախտում, ինչը հիմնավորվում է մաքսային կանոնների խախտման վերաբերյալ կազմված արձանագրությամբ, Սամվել Թումասյանի բացատրությամբ:

## **5 Եզրափակիչ մաս:**

Ելնելով վերոգրյալից և ղեկավարվելով «Մաքսային կարգավորման մասին» ՀՀ օրենքի 301-րդ, 302-րդ, 322-րդ, 332-րդ, 334-րդ հոդվածներով և Վարչական իրավախախտումների վերաբերյալ ՀՀ օրենսգրքի 214-րդ, 234-րդ հոդվածներով՝

## **Ո Ր Ո Շ Ե Ց Ի՝**

1. «Մաքսային կարգավորման մասին» ՀՀ օրենքի 302-րդ հոդվածի 1-ին մասով նախատեսված մաքսային կանոնների խախտում կատարելու համար քաղաքացի Սամվել Թումասյանին ենթարկել վարչական պատասխանատվության՝ տուգանելով 100.000 ՀՀ դրամի չափով:
2. «Մաքսային կարգավորման մասին» ՀՀ օրենքի 302-րդ հոդվածի 2-րդ մասով նախատեսված մաքսային կանոնների խախտում կատարելու համար քաղաքացի

Սամվել Թումասյանին ենթարկել վարչական պատասխանատվության՝ տուգանելով 100.000 ՀՀ դրամի չափով:

3. Որոշման մասին հայտնել Սամվել Թումասյանին:

4. Պարզաբանել, որ «Մաքսային կարգավորման մասին» ՀՀ օրենքի 334-րդ հոդվածի 2-րդ մասի համաձայն՝ «Որոշումն ուժի մեջ է մտնում այն կայացնելու պահից և համաձայն նույն հոդվածի 4-րդ մասի՝ Վարչական տույժ նշանակելու մասին մաքսային մարմինների որոշումը կարող է բողոքարկվել «Մաքսային ծառայության մասին» օրենքի 37-րդ հոդվածով սահմանված կարգով կամ դատական կարգով»:

*Սույն որոշմամբ նշանակված փուլանքի վճարման հաշվեհամարն է. 900005024055 (ՀՀ պետական բյուջե, կենտրոնական գանձապետարան, Արևելյան մաքսատուն-վարչություն, ԿՈԴ 29):*

ԱՐԵՎԵԼՅԱՆ ՄԱՔՍԱՏՈՒՆ-  
ՎԱՐՉՈՒԹՅԱՆ ՊԵՏ



ԳՈՌ ԲԱԿԼԱՉՅԱՆ